

## LOU VIEI OME

Dins soun vilajoun, lou vièi ome,  
Soun chin à l'estaco, se passejavo, urous, pèr  
carriero,  
Leste à parla ame li gènt.  
O rensigna, li que cercavon sa routo,  
Retenèn soun chin quouro aquest  
Anavo tout d'uno de vers uno platano  
Perfun de leva la pato.  
En d'intrent à l'oustau  
Safemo sus lou lindau , lis esperavo  
Urouso d'aguè de novo dóu vilajoun,  
E lou chin avié dre i caresso.  
Mai lou tèms s'es debana,  
Li jour an fali,  
Dins soun vilajoun, lou vièi ome  
Soun chin à l'estaco, liénasso, malurous, pèr  
carriero,  
Testo basso, evitènt li gènt,  
Bouco mudo.  
Lou chin, toujours lèvo la pato  
E l'ajudo en tirènt sus soun estaco jusqu'à  
l'oustau.  
Mai degu sus lou lindau  
Lou vièi ome dins soun fautuei, lou chin prcho  
d'èu  
E soucious, esperon lou debana di longuis ouro.  
Mai anas pas crèire que l'ome siegue mut.  
Avès qu'à lou segui, sus lou cros de sa femo  
Aqui, sènso soun chin, ié parlo  
Tóuti li jour, d'ouro es proche d'Elo.

Cercas pas, mis ami, aquel ome, pèr quau ai tant de pe no e qu'ame  
respetousamen, es mou paire.